

## ფოკუს ჯგუფის დისკუსიის გზამკვლევი

[რესპონდენტების შერჩევის კრიტერიუმი: სტუდენტები, რომლებიც ამჟამად ან ადრე ცხოვრობდნენ სტუდენტურ საცხოვრებლებში და/ან ქირაობდნენ საცხოვრისს]

გამარჯობა, მე ვარ [სახელი და გვარი] და წარმოვადგენ საქართველოს საზოგადოებრივ საქმეთა ინსტიტუტს (GIPA). GIPA-ს კვლევითი პროექტების გრანტის ფარგლებში ჩვენ ვატარებთ კვლევას აკადემიურ მოსწრებაზე ხელმისაწვდომი საცხოვრისის გავლენის შესახებ. კვლევის ფარგლებში ჩვენ გვსურს გავესაუბროთ სტუდენტებს იმ საკითხების შესახებ, რომლებიც კვლევის ამოცანებს უკავშირდება. პროექტის ფარგლებში შეგროვებული ინფორმაცია მხოლოდ კვლევითი მიზნებისთვის იქნება გამოყენებული. თქვენი პასუხები განცალკევებული იქნება ნებისმიერი ინფორმაციისგან, რის შედეგადაც თქვენი ვინაობის დადგენა შეუძლებელი იქნება. ჩვენი დისკუსიის აუდიო ჩანაწერების მიხედვით მომზადდება ტრანსკრიპტები. თუმცა, წაიშლება დისკუსიის დროს მიღებული ნებისმიერი ინფორმაცია, რომლის საშუალებითაც შესაძლებელი იქნება თქვენი იდენტიფიცირება. კვლევაში მონაწილეობა ნებაყოფლობითია და დისკუსიის მიმდინარეობის ნებისმიერ ეტაპზე შეგიძლიათ შეწყვიტოთ მასში მონაწილეობა.

ინტერვიუს ხანგრძლივობა დაახლოებით 1 საათი და 20 წუთი იქნება.

გმადლობთ, რომ დაგვთანხმდით კვლევაში მონაწილეობაზე.

### 1. საცხოვრისის ხელმისაწვდომობა

1.1. თქვენი დაკვირვებით, რა სირთულეებს აწყდებიან რეგიონიდან ჩამოსული სტუდენტები თბილისში საცხოვრებლის ძიებისას?

- რა ტიპის საცხოვრებლებს ეძებენ?
- სად, რა უბნებში?
- ვისთან ერთად? [მარტო, ოჯახთან, ნათესავებთან, მეგობრებთან, ხაზეიკასთან თუ სხვა]
- რა გზით? სტუდენტებს ვინ ეხმარებათ საცხოვრებლის მოძიებაში?
- რამდენად მარტივი ან რთულია მათთვის ეს პროცესი?
- [ვინმეს ხომ არ აქვს, განსხვავებული მოსაზრება?]

1.2. როგორია პირადად თქვენი გამოცდილება: თქვენ რამდენად გაგიმარტივდათ ან გაგირთულდათ საცხოვრებლის მოძიება?

- კონკრეტულ სირთულეებს ხომ არ გაიხსენებდით: ამ საკითხთან დაკავშირებულ რაიმე ამბავს?
- [ვინმეს ხომ არა აქვს ამ კუთხით დადებითი გამოცდილება, რაც კარგად ახსენდება?]

- ვინმეს ხომ არ შეუძლია, მოკლედ მოგვიყვით სტუდენტის მიერ ბინის ძეგნის ერთი სტანდარტული დღე?
- რას აქცევდით ყურადღებას ბინის ძეგნისას? რა იყო თქვენი პრიორიტეტი?  
ასევე, ბინის ძეგნის პროცესში, როგორ გრძნობდით თავს? რას განიცდიდით? რა გაღელვებდათ? რა განერვიულებდათ? რა გეიმედებოდათ?
- როგორ შეიცვალა თქვენი განცდები და განწყობილება ბინის მოძიების შემდეგ?
- განსხვავდებოდა თუ არა თქვენი პრიორიტეტები / “ბინის სტანდარტები” საცხოვრისის მოძიებამდე და მოძიების შემდეგ? თუ შეიცვალა, როგორ შეიცვალა?

### 1.3. სწავლის განმავლობაში, მოგიწიათ თუ არა საცხოვრებლის გამოცვლა?

- თუ კი, რატომ? რა გახდა მიზეზი?
- თქვენი აზრით, სტუდენტებს ხშირად უწევთ საცხოვრებლის გამოცვლა მსგავსი მიზეზებით?
- რა სირთულეებთანაა დაკავშირებული საცხოვრებლის გამოცვლა? [მენტალური & ფიზიკური & ფინანსური]
- ვისაც საცხოვრებელი არ შეგიცვლიათ, რა იყო ამის მიზეზი?
- ხომ არ ყოფილა შემთხვევა, რომ გიცდიათ საცხოვრებლის გამოცვლა და ვერ მოახერხეთ?

### 1.4. რამდენად გაკმაყოფილებთ თქვენი ამჟამინდელი საცხოვრისი პირობები?

- სწავლისთვის თუ არის შესაფერისი? შეესაბამება თუ არა თქვენს მოთხოვნილებებს? ახლოს თუ არის სასწავლებელთან? ტრანსპორტი თუ უდგება? რის შეცვლას ისურვებდით?
- [ვინმეს ხომ არა აქვს განსხვავებული გამოცდილება?]

### 1.5. ყველაფრის გათვალისწინებით, როგორ აისახება საცხოვრებელზე ხელმისაწვდომობა თქვენს აკადემიურ მოსწრებასა და სწავლაზე?[ამ კუთხით, რამე კონკრეტული მაგალითები ხომ არ გახსენდებათ?]

## 2. შემოსავალი და დასაქმება

### 2.1. თქვენი გამოცდილებით, რა ხარჯებთანაა სტუდენტური საცხოვრებელი დაკავშირებული და როგორ ფარავთ ამ ხარჯებს?

- რამდენად მარტივი ან რთულია თქვენი ან თქვენი ოჯახისთვის ამ ხარჯების დაფარვა?
- რისი მოკლეა გიწევთ იმის გამო რომ საცხოვრებელი ხარჯები დაფაროთ?
- სესხის ან ვალის აღება ხომ არ მოგიწიათ?

### 2.2. ხართ თუ არა ამჟამად დასაქმებული? ან ეძებთ თუ არა სამსახურს?

- რატომ კი?
- რატომ არა?

### 2.3. რა ტიპის სამსახურებში უწევთ დღეს სტუდენტებს მუშაობა?

- სამსახურები თუ შეესაბამება იმ პროფესიას, რასაც სტუდენტები ეუფლებიან? პირდაპირ თუ არა, ირიბად მაინც თუ ხელს უწყობთ კარიერული გამოცდილების დაგროვებაში?

### 2.4. ყველაფრის გათვალისწინებით, დასაქმება სტუდენტებს რამდენად ეხმარებათ ან ხელს უშლით სწავლის პროცესში?

- შეთავსებადი თუ არის სწავლასთან?
- ხელშეწყობას თუ გრძნობთ უნივერსიტეტისა და ლექტორებისგან?  
რატომ ფიქრობთ ასე? [ყველა ეთანხმება? ვინმეს ხომ არ აქვს განსხვავებული გამოცდილება?]
- დამსაქმებლების მხრიდან თუ არსებობს ხელშეწყობა დასაქმებული სტუდენტებისთვის?

## 3. ჯანმრთელობა და აკადემიური მოსწრება

### 3.1. ბოლო სემესტრის განმავლობაში რამდენად კმაყოფილი ან უკმაყოფილო ხართ თქვენი სტუდენტური ცხოვრებით?

- რა განაპირობებს ამას? [ვინმეს ხომ არ აქვს განსხვავებული გამოცდილება?]

### 3.2. დასვენებას, კულტურულ და სოციალურ ცხოვრებას თუ ახერხებთ?

- მაგ. როგორ უმკლავდებით სტრესს?
- მაგ. ზამთრის და ზაფხულის არდადეგებზე თუ მიდიხართ დასასვენებლად?

- სავარჯიშო დარბაზი და თავის მოვლის სხვა სერვისებზე თუ მიგიწვდებათ ხელი?
- კაფე, ბარებში, ან კლუბებში სიარულს თუ ახერხებთ?
- სტუმრად სიარულს თუ ახერხებთ?
- სტუმრებს თუ იღებთ შინ?

### 3.3. ჯანსაღი ცხოვრების წესს თუ მისდევთ?

- რა გეხმარებათ, რა გიშლით ხელს?
- ზოგადად, თქვენს ირგვლივ, სტუდენტები თუ ზრუნავენ საკუთარ ჯანმრთელობაზე?

### 3.3. ხომ არ გქონიათ ჯანმრთელობის რაიმე პრობლემები, რამაც თქვენი სწავლის პროცესი შეაფერხა ან ხელს გიშლით უკეთეს აკადემიურ მოსწრებაში?

- მენტალური თუ ფიზიკური?
- რით იყო გამოწვეული? რასთან იყო დაკავშირებული?
- როგორ გაუმკლავდით? რა სირთულეებთანაა დაკავშირებული? ვინ გეხმარებოდათ? [სხვას, ხომ არ აქვს სურვილი, რომ ფიზიკური ან მენტალური პრობლემების კუთხით საკუთარი გამოცდილება გაგვიზიაროს]

### 3.4. როგორია ამჟამად თქვენი მომავლის ხედვა? მოახერხებთ თუ არა სწავლის წარმატებით დასრულებას?

- როგორია თქვენი მოტივაცია და თვითშეფასება: მაღალი თუ დაბალი? [რატომ?]
- გქონიათ თუ არა, რომ სტუდენტურ ცხოვრებასთან დაკავშირებულ პრობლემებს თავს გაართმევთ?
- რა გაღელვებთ? რამ შეიძლება შეგიშალოს ხელი კარგად სწავლაში?
- სწავლასთან, საცხოვრებელთან და ზოგადად სტუდენტურ ცხოვრებასთან დაკავშირებით ხომ არ არის რაიმე, რაზეც გული გწყდებოდა?

### 3.5. სწავლასთან, საცხოვრებელთან და ზოგადად სტუდენტურ ცხოვრებასთან დაკავშირებით ხომ არ არის რაიმე, რაზეც საუბარიც გასურდათ, მაგრამ კითხვა არ დავსვით?

- ხომ არ არის ისეთი რამ, რაც ფიქრობთ, რომ მნიშვნელოვანია და გამოგვჩა ან უფრო მეტად მოითხოვს ყურადღების გამახვილებას?